



XALQ DEPUTATLARI QARSHI SHAHAR KENGASHI Q A R O R I

2022 - yil 30 - dekabr

VI-45-149-4-69-K/22

Qarshi shahar hokimligi

Qarshi shaharning 2023 yilgi mahalliy byudjetini tasdiqlash to'g'risida

O'zbekiston Respublikasi "Mahalliy davlat hokimiyati to'g'risida"gi Qonunining 6, 24-moddalari, Byudjet kodeksining 99-moddasi, "2023 yil uchun O'zbekiston Respublikasining Davlat byudjeti to'g'risida"gi Qonuniga muvofiq hamda O'zbekiston Respublikasi Moliya vazirligining 2022 yil 29 dekabrda 01/20-32/1021-son xatini hamda xalq deputatlari Qashqadaryo viloyat Kengashining 2022-yil 30-dekabrda qarorini inobatga olib, xalq deputatlari Qarshi shahar Kengashi

QAROR QILDI:

1. O'zbekiston Respublikasining "2023 yil uchun O'zbekiston Respublikasining Davlat byudjeti to'g'risida"gi Qonuni ijro va rahbarlik uchun qabul qilinsin.

2. O'zbekiston Respublikasining "2023 yil uchun O'zbekiston Respublikasining Davlat byudjeti to'g'risida"gi Qonuniga muvofiq, Qarshi shahar mahalliy byudjetining 2023 yil uchun daromadlari 228,1 mlrd.so'm, xarajatlari 283,8 mlrd.so'm prognoz qilinganligi hamda yuqori byudjetdan ajratiladigan tartibga soluvchi byudjetlararo transfertlar 55,7 mlrd.so'm miqdorida tasdiqlanganligi ma'lumot uchun qabul qilinsin.

3. 2023 yil uchun shahar mahalliy byudjeti daromadlari prognozi 1-ilovaga muvofiq ma'lumot uchun qabul qilinsin.

4. 2023 yil uchun shahar mahalliy byudjetidan hududiy byudjet mablag‘larini taqsimlovchilarga ajratiladigan mablag‘larning cheklangan miqdorlari 2-ilovaga muvofiq tasdiqlansin.

5. 2023 yil uchun shahar byudjetiga umumdavlat soliqlaridan ajratmalar normativlari 3-ilovaga muvofiq tasdiqlansin.

Bunda, ajratmalar normativlari bo‘yicha shahar mahalliy byudjetining taqsimotini o‘rnatilgan tartibda Qarshi shahar bo‘yicha g‘aznachilik bo‘limi tomonidan amalga oshirilishi belgilab qo‘yilsin.

6. 2023 yil uchun shahar mahalliy byudjetining daromadlari va xarajatlarining prognozi 4-ilovaga muvofiq ma’lumot uchun qabul qilinsin.

7. 2023 yil uchun viloyat byudjetidan shahar mahalliy byudjetiga ajratiladigan tartibga soluvchi byudjetlararo transfertlar miqdorlari 5-ilovaga muvofiq tasdiqlansin.

Bunda, tartibga soluvchi byudjetlararo transfertlar miqdorini shahar mahalliy byudjeti daromadlari prognozi ijrosidan qat’iy nazar kamaytirishga yo‘l qo‘yilmasligi Qonunda belgilab qo‘yilganligi ma’lumot uchun qabul qilinsin.

8. 2023 yil uchun shahar mahalliy byudjetining shahar byudjeti zahira jamg‘armasi hajmlari 2,7 mlrd. so‘m miqdorida belgilansin.

Qarshi shahar mahalliy byudjetining 2023 yil uchun zahira jamg‘armasi tegishli byudjet tasdiqlangan umumiy xarajatlarining kamida 1,0 foizi miqdorida shakllantirilsin.

9. 2023 yil uchun shaharning, shahar byudjeti shaxsiy g‘azna hisobvarafiga turgan byudjet mablag‘larining yo‘l qo‘yladigan eng kam miqdori 6-ilovaga muvofiq belgilansin.

10. O‘zbekiston Respublikasining mazkur Qonuni bilan 2023 yilda xalq deputatlari Kengashlarini mahalliy byudjetlarni boshqarishda, xususan mahalliy byudjet xarajatlarini hududiy byudjet mablag‘lari taqsimlovchilar kesimida tasdiqlash va ularning Kengash oldidagi hisobdorligini belgilash bo‘yicha vakolatlari kengaytirilganligi inobatga olinsin.

Shuningdek, 2023 yilda quyidagi soliq turlari:

a) shahar byudjetiga to‘liq hajmda o‘tkaziladi:

jismoniy shaxslardan olinadigan mol-mulk solig'i;

jismoniy shaxslardan olinadigan yer solig'i;

jismoniy shaxslarga tegishli mol-mulkni ijaraga berishdan oladigan yillik daromadi to'g'risidagi deklaratsiyaga asosan to'laydigan, shuningdek yakka tartibdagi tadbirkorlar to'laydigan jismoniy shaxslardan olinadigan daromad solig'i;

aylanmadan olinadigan soliq;

qonunchilikda belgilangan miqdorlarda O'zbekiston Respublikasining Davlat byudjetiga undiriladigan boshqa yig'imlar (bojxona organlari tomonidan undiriladigan yig'imlardan, g'ildirakli transport vositalari, o'ziyurar mashinalar va ularning tirkamalari uchun undiriladigan utilizatsiya yig'imidan, shuningdek avtotransport vositalari oynalarining tusini o'zgartirishga (qoraytirishga) ruxsatnoma berish uchun to'lovdan tashqari);

suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;

ayrim turdagi tovarlarning chakana savdosiga doir huquq uchun yig'imlar;

qurilish materiallari bo'yicha yer qa'ridan foydalanganlik uchun soliq;

Mobil aloqa xizmatlari uchun aksiz solig'i va alkogol maxsulotlari, shu jumladan pivo uchun aksiz solig'idan tushumlar 2022 yil 1 iyul holatiga ko'ra shahar aholisining viloyat aholisidagi ulushiga muvofiq hisob-kitob qilinsin.

11. O'zbekiston Respublikasi Prezidentining "Jamoatchilik fikri asosida shakllantiriladigan loyihalarni moliyalashtirish ko'lamini kengaytirish chora-tadbirlari to'g'risida" 2022 yil 25 oktyabrdagi PQ-409-son qaroriga asosan 2023 moliya yilidan boshlab:

a) "Obod mahalla" dasturi doirasida moliyalashtiriladigan tadbirlar jamoatchilik fikri asosida "Ochiq byudjet" axborot portali orqali ovoz berish yo'li bilan aniqlanadi.

Bunda, aholi tomonidan amalga oshirilishi taklif etilayotgan tadbirlar har bir mahalla bo'yicha bitta loyihalar paketi shaklida ovozga qo'yilishi;

b) Qoraqalpog'iston Respublikasi respublika byudjeti, viloyatlarning viloyat byudjetlari va Toshkent shahrining shahar byudjetida shakllangan qo'shimcha

mablagʻlarning 30 foizi tuman (shahar)larda jamoatchilik fikri asosida shakllantirilgan tadbirlarni moliyalashtirish uchun tuman (shahar)lar Fuqarolar tashabbusi jamgʻarmalariga mavjud aholi soni va mahallalar sonidan kelib chiqib, teng ulushlarda yoʻnaltirilishi;

v) tashabbusli byudjetlashtirish jarayonlari uchun tuman (shahar) byudjetlarining 5 foizi miqdorida, biroq kamida 6 milliard soʻm mablagʻ rejalashtirilishi belgilanganligi;

g) “Obod mahalla” dasturini jamoatchilik fikri asosida tashabbusli byudjetlashtirish jarayonlari orqali amalga oshirilishining yangi tartibi ishlab chiqilishi maʼlumot uchun qabul qilinsin.

12. Shahar hokimining moliya-iqtisodiyot va kambagʻallikni qisqartirish masalalari boʻyicha birinchi oʻrinbosari - iqtisodiy taraqqiyot va kambagʻallikni qisqartirish boʻlimi boshligʻi (S.Qayumov), shahar hokimligi moliya boʻlimi (Sh.Ashurov), Davlat soliq inspeksiyasi (I.Salomov) shahar hokimligi va masʼul boʻlim va tashkilotlar bilan birgalikda:

tegishli byudjetlarni birinchi navbatda ish haqi va unga tenglashtirilgan toʻlovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

mahalliy byudjet prognoz koʻrsatkichlarni oʻz vaqtida va samarali bajarish;

byudjet mablagʻlaridan maqsadli va samarali foydalanish;

byudjet intizomiga rioya etilishi ustidan nazorat va masʼuliyatni yanada kuchaytirish;

tegishli mahalliy byudjetga soliqlar va boshqa majburiy toʻlovlarning toʻliq tushumini taʼminlash;

byudjet daromadlar bazasini oshirish va qoʻshimcha rezervlarni aniqlash zarurligiga alohida eʼtibor qaratsin.

13. Shahar davlat soliq inspeksiyasi (I.Salomov) Oʻzbekiston Respublikasi Soliq kodeksida belgilangan vakolatlaridan kelib chiqib:

soliqlarning toʻliq va toʻgʻri hisoblanishini hamda ushbu soliqlarni oʻz vaqtida byudjetga undirilishi ustidan soliq nazoratini kuchaytirish;

yer solig'i, suv resurslaridan foydalanganlik uchun soliq va mol-mulk soliqlari bo'yicha doimiy tahlillar o'tkazgan holda, soliqlarni to'liq hisoblanishini ta'minlash hamda ushbu soliq to'lovlari bo'yicha soliq qarzdorligiga yo'l qo'ymaslik choralarini ko'rish;

aylanmadan soliq turi bo'yicha soliq to'lovchilar tomonidan naqd pul aylanmalarining soliq hisobotlarida to'liq aks ettirilishi ustidan doimiy soliq nazoratini o'rnatish hamda zarur hollarda xronometraj va kameral soliq nazorati tadbirlarini o'tkazish;

Bunda, mazkur yo'nalishda jamoatchilik nazoratini kuchaytirish maqsadida fuqarolarga xarid chekini talab qilib olishni targ'ib etuvchi ijtimoiy roliklar hamda video materiallar tayyorlab, ijtimoiy tarmoqlar va ommaviy axborot vositalarida keng targ'ibot-tashviqot ishlarini olib borishga alohida e'tibor qaratish;

xatlov ishlarini samarali tashkil etish orqali yer va mol-mulk solig'ining soliq bazasini oshirish;

Kadastr agentligi bo'limi bilan birgalikda shaharda mavjud soliq to'lovchilarning mol-mulklari maydonlarini chuqur tahlil etgan holda ushbu mol-mulklarga nisbatan soliqlarni to'liq hisoblanishini ta'minlasin.

14. Shahar davlat soliq inspeksiyasi (I.Salomov), Kon-geologiya faoliyatini nazorat qilish mintaqaviy inspeksiyasi bilan birgalikda:

noruda qurilish materiallarini qazib olish sohasida noqonuniy faoliyat olib borayotgan karerlarni aniqlash bo'yicha xatlovlar o'tkazish;

xatlov natijalari bo'yicha aniqlangan noqonuniy faoliyat olib borayotgan karerlar faoliyatini qonuniylashtirish hamda ularni soliq bazasiga qamrab olish;

noruda qurilish materiallarini qazib olish sohasida faoliyat olib borayotgan karerlar tomonidan qazib olinayotgan noruda qurilish materiallar hajmining soliq hisobotlarida to'liq aks ettirilishi ustidan doimiy nazorat o'rnatish.

Bunda, ushbu sohada faoliyat olib borayotgan karerlarning qazib olish hajmlarini doimiy tahlil qilib borish hamda zarur hollarda qazib olish hajmlarini aniqlashda mahalliy byudjetning qo'shimcha manbalari hisobidan "marksheydrlik" xizmatlaridan foydalanish lozimligi alohida belgilab qo'yilsin.

15. Majburiy ijro byurosi shahar bo'limi (M.Safarov), shahar davlat soliq

inspeksiyasi (I.Salomov) bilan hamkorlikda soliqlar va boshqa majburiy to'lovlar bo'yicha mavjud soliq qarzdorliklarini byudjetga undirish yuzasidan tegishli choralar ko'rib borsin hamda choraklar yakuni bilan soliq qarzdorliklarining chorak boshiga nisbatan kamayib borishi bo'yicha barcha kompleks chora-tadbirlar ko'rib borishni ta'minlasin.

16. Davlat aktivlarini boshqarish agentligi viloyat hududiy bo'limi hamda bo'sh turgan ob'ektlaridan samarali foydalanishni tashkil etish markazining hududiy bo'limi bilan hamkorlikda Shahar davlat soliq inspeksiyasi (I.Salomov), shahar moliya bo'limi (Sh.Ashurov):

bo'sh turgan davlat mulki ob'ektlarini aniqlash bo'yicha xatlov ishlarini samarali tashkil etish;

xatlov natijalariga ko'ra shaharda mavjud bo'sh turgan davlat mulki ob'ektlari ro'yxatini shakllantirish;

shakllantirilgan ro'yxatga asosan bo'sh turgan davlat mulki ob'ektlarini ijaraga berish yoki sotish bo'yicha tegishli takliflar tayyorlash;

bo'sh turgan davlat mulki ob'ektlarini ijaraga berish yoki sotish bo'yicha ijtimoiy tarmoqlar va ommaviy axborot vositalarida roliklar va video-materiallar tayyorlash;

xususiylashtirilishi mo'ljallangan bo'sh turgan davlat mulki ob'ektlarini «ye-ijro auksion» maydonchasi orqali sotish ishlarini tashkillashtirishda ko'maklashsin.

17. Davlat aktivlarini boshqarish agentligi viloyat hududiy bo'limi bilan hamkorlikda, shahar davlat soliq inspeksiyasi (I.Salomov), shahar moliya bo'limi (Sh.Ashurov) davlat korxonalari hamda ustav kapitalida

50 foiz va undan ortiq davlat ulushi mavjud bo'lgan yuridik shaxslar tomonidan 2023 yilning 1 iyuliga qadar 2022 yil yakunlari bo'yicha o'z sof foydasining 50 foizidan kam bo'lmagan miqdoridagi ajratmalar va davlat ulushi bo'yicha dividendlarni 2023 yilning 1 sentyabridan kechiktirmay tegishli darajadagi byudjetlarga o'tkazilishini ta'minlasin.

18. Monopoliyaga qarshi ko'rashish qo'mitasi shahar hududiy bo'limi bilan hamkorlikda shahar hokimligining ma'sullari tashqi reklama ob'ektlarini to'liq xatlovdan o'tkazgan holda, ushbu tashqi reklama ob'ektlari bo'yicha shartnomalar tuzish choralarini ko'rsin hamda ushbu shartnomalar bo'yicha yig'imlarni byudjetga to'lanishi ustidan doimiy nazorat o'rnatish.

19. Shahar irrigatsiya tizimlari havza bo'limi va shahar davlat soliq inspeksiyasi (I.Salomov) bilan birgalikda shaharda sug'orishga sarflanayotgan suv hajmlari bo'yicha aniq hisob-kitoblar yuritgan holda mazkur iste'mol hajmlari bo'yicha suv resurslaridan foydalanganlik uchun soliqlarni to'liq hisoblanishini hamda moliya yili yakuniga qadar mahalliy byudjetga to'liq undirib olish choralarini ko'rsin.

20. Shahar ichki ishlar organlari faoliyatini muvofiqlashtirish boshqarmasi (F.Ibragimov), shahar yo'l harakati xavfsizligi bo'limi, majburiy ijro byurosi shahar bo'limi (M.Safarov), Davlat xizmatlari agentligi shahar bo'limi (O'.Choriev) hisoblangan boj, jarima va yig'imlarni o'z vaqtida o'rnatilgan tartibda byudjetga undirish choralarini ko'rib borsin.

21. Qarshi shahar moliya bo'limi (Sh.Ashurov), Davlat moliyaviy nazorati viloyat boshqarmasi, xalq ta'limi, maktabgacha ta'lim va sog'liqni saqlash bosh boshqarmalarining ichki audit xizmatlari bilan hamkorlikda:

byudjet intizomiga qat'iy rioya etilishi ustidan doimiy monitoring ishlari kuchaytirish;

o'tkazilgan nazorat tadbirlari yakuni bo'yicha kamomad va noqonuniy o'zlashtirishga yo'l qo'ygan soha rahbarlarining hisoboti xar chorakda eshitib borishni ta'minlasin.

22. Xalq deputatlari shahar Kengashining mahalliy byudjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasiga:

mahalliy byudjetning qo'shimcha manbalaridan foydalanish to'g'risidagi hokimlik tomonidan taqdim etiladigan takliflarini belgilangan muddatlarda jamoatchilik muhokamasidan o'tkazish va byudjet qonunchiligiga to'liq rioya etilgan holda Kengash qaror loyihasini ishlab chiqish;

Kengash qarori asosida mahalliy byudjetning qo'shimcha manbalari hisobidan ajratilgan mablag'larni samarali va maqsadli foydalanishi ustidan nazorat o'rnatish, tavsiyalar berish va monitoring qilish;

mahalliy byudjet xarajatlarining qonunchilikda belgilangan qismining jamoatchilik fikri asosida shakllantirilgan tadbirlarni moliyalashtirishga yo'naltirilishida ishtirok etish va ushbu mablag'larning maqsadli sarflanishi ustidan nazoratni amalga oshirish vazifasi topshirilsin.

23. Shahar hokimining tegishli o‘rinbosarlariga:

shahar byudjeti jami xarajatlarning 5 foizi hamda shakllangan qo‘shimcha mablag‘larining kamida 30 foizini jamoatchilik fikri asosida shakllantiriladigan tadbirlarni moliyalashtirish uchun “Fuqarolar tashabbusi jamg‘armasi”ga yo‘naltirishni;

bunda, xalq deputatlari shahar Kengashi, yoshlar ishlar agentligi, shahar hokimligi huzuridagi jamoatchilik Kengashlari hamda yangi joriy etiladigan hokim yordamchilari byudjet jarayonida fuqarolarning faol ishtirokini ta‘minlash maqsadida aholiga keng targ‘ibot-tashviqot ishlarini olib borishni tavsiya etish;

mahalliy byudjetlarning qo‘shimcha manbalari hisobidan xarid qilingan tovarlar va xizmatlar, qurilish, rekonstruksiya qilish va ta‘mirlash ishlari olib borilayotgan ob‘ektlar ro‘yxati, shuningdek qurilish-ta‘mirlash ishlarining moliyalashtirilishi to‘g‘risidagi ma‘lumotlar har chorak yakunlariga ko‘ra, keyingi chorak birinchi oyining 10 sanasiga qadar majburiy tartibda tegishli hokimlik rasmiy veb-saytlariga joylashtirib borish topshirilsin.

24. Shahar hokimining moliya – iqtisodiyot va kambag‘allikni qisqartirish masalalari bo‘yicha birinchi o‘rinbosari, iqtisodiy taraqqiyot va kambag‘allikni qisqartirish bo‘limi va tegishli tashkilotlar bilan birgalikda:

mahalliy byudjet daromad va xarajatlarning prognoz ko‘rsatkichlari bajarilishi hamda soliq bazasini kengaytirish yuzasidan ko‘rilgan chora-tadbirlar;

ajratilgan byudjet mablag‘laridan maqsadli va samarali foydalanishi yuzasidan erishilgan natijalar bo‘yicha xalq deputatlari shahar Kengashiga chorakda kamida bir marotaba hisobot kiritib borsin.

25. Mazkur qaror gazeta va jurnallar rasmiy e‘lon qilinsin hamda shahar hokimligining rasmiy veb-saytiga joylashtirilsin.**26. Ushbu qaror rasmiy e‘lon qilingan kundan boshlab kuchga kiradi.**

27. Mazkur qarorning bajarilishini nazorat qilish xalq deputatlari shahar Kengashining mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasi zimmasiga yuklansin.

Kengash raisi



N.Xolboyev

Xalq deputatlari Qarshi shahar
Kengashining
2022 yil 30 dekabrda
VI-45-149-4-69-K/22-son qaroriga
1-ilova

**Qarshi shahar mahalliy budjeti daromadlarining
2023 yildagi asosiy prognoz ko'rsatkichlari**

ming so'mda

T/R	Daromad turlari	Jami
1	Yuridik shaxslardan olinadigan foyda solig'i	
2	Aylanmadan olinadigan soliq	36 100 000
3	Jismoniy shaxslardan olinadigan daromad solig'i	48 600 000
4	Qo'shilgan qiymat solig'i	
5	Tadbirkorlik faoliyatining ayrim turlari bo'yicha qat'iy belgilangan soliq	9 500 000
6	Aksiz solig'i, jami	14 400 000
	- benzin, dizel yoqilg'isi va gaz realizatsiyasidan soliq	
7	Yuridik shaxslarning mol-mulkiga solinadigan soliq	58 000 000
8	Jismoniy shaxslarning mol-mulkiga solinadigan soliq	13 900 000
9	Yuridik shaxslar yer solig'i	33 000 000
10	Jismoniy shaxslardan olinadigan yer solig'i	11 800 000
11	Yer qo'riqidan foydalanganlik uchun soliq (noruda materiallari)	400 000
12	Suv resurslaridan foydalanganlik uchun soliq	600 000
13	Davlat boji	
14	Jarimalar	
15	Ijara to'lovi	900 000
16	Davlat tashkilotlarining sof foydasidan daromad	938 000
17	Yig'imlar	
18	Xususiy lashtirish	
19	Boshqalar	
JAMI		228 138 000
17	Mobil aloqa xizmati va alkogol mahsulotlari, shu jumladan pivo uchun aksiz solig'i tushumlaridan tegishli ravishda o'tkazib beriladigan daromad	
-	Alkogol mahsulotlari, shu jumladan pivo	
-	Mobil aloqa xizmati	
-	Tamaki mahsulotlari	
19	Tartibga soluvchi budjetlararo transfertlar	55 691 153
HAMMASI		283 829 153

Xalq deputatlari Qarshi shahar
Kengashining
2022 yil 30 dekabrda
VI-45-149-4-69-K/22-son qaroriga
2-ilova

**2023 yil uchun Qarshi shahar budjetidan hududiy budjet mablag'larini taqsimlovchilarga ajratiladigan
mablag'larning cheklangan miqdorlari**

ming so'mda

№	Ko'rsatkichlar	Miqdori
	Xarajatlar miqdori, Jami	283 829 153
	<i>shu jumladan:</i>	
	joriy xarajatlar	283 829 153
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
	Advokatlik xizmatiga haq to'lash uchun ajratilgan mablag'lar	
	shaxar mahalliy budjetiga transfert	
1.	Maktabgacha ta'lim bo'limi	16 280 000
	<i>shu jumladan:</i>	
	joriy xarajatlar	16 280 000
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
2.	Xalq ta'limi bo'limi	21 037 000
	<i>shu jumladan:</i>	
	joriy xarajatlar	21 037 000
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
3.	Sog'liqni saqlash bo'limi	103 374 110
	<i>shu jumladan:</i>	
	joriy xarajatlar	103 374 110
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
4.	Madaniyat bo'limi	1 182 000
	<i>shu jumladan:</i>	
	joriy xarajatlar	1 182 000
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
5.	Bolalar usmirlar sport maktabi	2 226 140
	<i>shu jumladan:</i>	
	joriy xarajatlar	2 226 140
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
6.	Uy-joy kommunal xizmat ko'rsatish boshqarmasi	38 912 698
	<i>shu jumladan:</i>	
	joriy xarajatlar	38 912 698

	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
7.	Oila va xotin-qizlar bo'limi	982 224
	<i>shu jumladan:</i>	
	joriy xarajatlar	982 224
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
8.	Xalq Deputatlari Qarshi shahar Kengashi kotibiyati	191 120
	<i>shu jumladan:</i>	
	joriy xarajatlar	191 120
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
9.	Moliya bo'limi	63 808 271
	<i>shu jumladan:</i>	
	joriy xarajatlar	63 808 271
	Tuman va shahar mahalliy budjetlariga transfertlar	
10.	Veterinariya va chorvachilikni rivojlantirish bo'limi	624 536
	<i>shu jumladan:</i>	
	joriy xarajatlar	624 536
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
11.	Bandlik va mehnat munosabatlari bo'limi	596 843
	<i>shu jumladan:</i>	
	joriy xarajatlar	596 843
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
12.	Shahar hokimligi	4 214 392
	<i>shu jumladan:</i>	
	joriy xarajatlar	4 214 392
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
13.	Fuqarolik tashabbusi jamg'armasi	13 378 000
	<i>shu jumladan:</i>	
	joriy xarajatlar	13 378 000
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
13.	Maxalla va nuroniylarni qo'llab-quvvatlash bo'limi	13 995 394
	<i>shu jumladan:</i>	
	joriy xarajatlar	13 995 394
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
14.	Shahar Hokimligining xazira jamg'armasi	2 677 734
	<i>shu jumladan:</i>	

	joriy xarajatlar	2 677 734
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
15.	Yoshlar ishlari agentligi Qarshi shahar bo'limi	171 164
	<i>shu jumladan:</i>	
	joriy xarajatlar	171 164
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	
16.	Ijtimoiy ko'nikma markazi	177 528
	<i>shu jumladan:</i>	
	joriy xarajatlar	177 528
	ob'ektlarni loyihalashtirish, qurish (rekonstruksiya qilish) va jihozlash uchun kapital qo'yilmalar	

Xalq deputatlari Qarshi shahar
Kengashining
2022 yil 30 dekabrda
VI-45-149-4-69-K/22-son qaroriga
3-ilova

Umum davlat soliqlaridan shahar mahalliy budgetiga 2023 yildagi ajratmalari me'yorlari

foiz hisobida

T/R	Shaxar va tumanlar nomi	Yuridik shaxslardan olinadigan foyda solig'i	Aylanmadan olinadigan soliq	Jismoniy shaxslardan olinadigan daromad solig'i	Yakka tartibdagi tadbirkorlar uchun jismoniy shaxslardan olinadigan daromad solig'i	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	Yuridik shaxslarning mol-mulkiga solinadigan soliq	Jismoniy shaxslarning mol-mulkiga solinadigan soliq	Yuridik shaxslar yer solig'i	Jismoniy shaxslardan olinadigan yer solig'i
I	Qarshi shahar	0	100	10	100	30	100	100	100	100

Xalq deputatlari Qarshi shahar
Kengashining
2022 yil 30 dekabrda
VI-45-149-4-69-K/22-son qaroriga
4-ilova

**Shahar mahalliy budjetining
2023 yil daromadlari va xarajatlariing chegaraviy hajmi**

ming so'mda

Budjetlar nomi	Daromad *	Xarajat
Qarshi shahri	228 138 000	283 829 153

** mobil aloqa xizmatlari uchun, alkogol maxsulotlari, shu jumladan pivo va tamaki mahsulotlari uchun aksiz solig'idan tushumlar bo'yicha o'tkazib beriladigan daromadlar bilan birgalikda.*

Xalq deputatlari Qarshi shahar
Kengashining
2022 yil 30 dekabrda
VI-45-149-4-69-K/22-son qaroriga
5-ilova

**Shahar mahalliy budjetining 2023 yilgi yuqori budjetdan ajratiladigan tartibga soluvchi
budjetlararo transfertlar miqdorlari**

ming so'mda

Shahar va tumanlar	Tartibga soluvchi transfert miqdori
Qarshi shahri	55 691 153

Xalq deputatlari Qarshi shahar
Kengashining
2022 yil 30 dekabrda
VI-45-149-4-69-K/22-son qaroriga
6-ilova

**Shahar mahalliy budjetida
2023 yilda yo‘l qo‘yiladigan eng kam mablag‘lar miqdori**

ming so‘mda

T/r	Hudud nomi	Miqdor
1	Qarshi shahri	1 562 051